

8度合作 終演夫妻

黃宗澤蔡潔 難咀出愛火

黃宗澤(Bosco)與緋聞女友蔡潔合作無間，更多次演情侶。兩人第8次合作劇集《執法者們》終演夫妻，Bosco笑言於劇中經常跟蔡潔親吻，但現實中沒有「過電」，未能咀出愛火花！



黃宗澤、馬國明、吳啟華、宣萱、蔡潔等昨日到觀塘宣傳無綫熱播劇《執法者們》，大會送上蛋糕為昨日生日的劇集總監製樂易玲慶祝。

Bosco與蔡潔第8次合作，終於在《執》劇首次演夫婦，更不乏親熱戲，被內地網民封為「菠菜CP」。Bosco笑言第8次合作終於完成人生其中一個願望，就是可以一親蔡潔芳澤。他揚言收視若超過24點，會現場表演咀蔡潔，答謝觀眾支持。

問到有否咀出愛火花？他笑言：「唔會啦，錫吓又唔會生仔嘅，我錫咗佢佢成部劇喇，Feel好好

■黃宗澤與蔡潔外形合襯，但始終未能「過電」。

嘅，但都係個句『女神不是我的』。」言下之意莫非蔡潔已名花有主？她否認說：「我嘅男朋友係工作，女人最緊要有自己事業。」

吳啟華否認現身賭場

吳啟華笑言嫌自己角色的戲份不夠多：「希望第時拍劇可以多啲戲份，過吓戲癮。不過我都認為角色有得發揮最重要，希望呢套劇『添食』啦！」他很期待與宣萱、歐陽震華等《壹號皇庭》演員再合作，並講笑稱：「可以反轉拍喜劇《犯法者們》。」提到他被指現身賭場，吳啟華說：「啲相好耐啦，我成10年冇去，因為依家拍廣告同做代

言人，合約寫明唔可以涉及賭博，亦唔可以去賭場，去會俾人告，所以冇去，就算賭場嘅登台我都唔接。同埋當年其實只係小賭怡情，依家直情唔會去。」

宣萱演獄中戲獲網民讚賞，她坦言初時擔心演得不够好：「因為未做過犯人角色，事前有啲壓力，唔知點做好。我仲搵咗前輩撈家（羅嘉良）請教點做，佢叫我睇裏面唔好笑，但我有一刻笑咗，自己睇番都覺得唔係咁滿意，可以做得更好，好攞自己。」

馬國明近日偕太太湯洛雯出席蕭正楠與黃翠如兒子的百日宴，期間與舊愛胡定欣碰面，問到可感尷尬？馬國明說：「唔會尷尬，大家都成熟。」



■眾人為樂易玲慶祝生日。



■馬國明與舊愛胡定欣再見亦是朋友。



■宣萱很開心與老拍檔吳啟華再合作。

泰臣邀劉松仁 任舞台劇旁白

泰臣近日擔任天主教聖瑪加利大堂100周年舞台劇《百年人海》導演，邀得劉松仁擔任劇組顧問。日前兩人為舞台劇拍攝宣傳片，未埋位已密密傾劇本。松哥笑指多年來已學懂「抽離」，今次未有趁機發掘「徒弟」：「我做戲做完就係做完，但每次跟項目都好大壓力，因為我要反覆推敲，要代入觀眾嘅角度發現問題，同時要諗定點解決！」

松哥表示未曾與泰臣合作，但曾觀看對方演舞台劇，留下深刻印象：「之後睇佢喺TVB做戲，覺得佢好突出，留低一個好好印象畀我。我唔知佢做導演嘅功力有幾多，但見到佢好投入、



■劉松仁(右)一直有留意泰臣的演出，讚他演技突出。

好認真，搵咗佢返嚟呢個係聖堂嘅福氣。」泰臣喜獲松哥認同，定必使出渾身解數，更自爆邀對方「出山」任劇組旁白：「但佢冇覆我！不過佢啱啱話『賣關子』先，即係都仲有彎轉，有機會嘅！」



■魏浚笙熱到頻頻用手抹汗。

魏浚笙捱熱落區谷新歌

魏浚笙(Jeffrey)最近推出新歌《白色踢死兔》，前日走勻觀塘、中環、葵芳、尖沙咀及旺角為新歌造勢，近距離跟粉絲接觸，進行街訪、傾偈及合照，他所到之處均吸引大批市民圍觀。當日天氣酷熱，Jeffrey依然穿上黑色長袍上陣，之後又換上黑皮褸，雖然非常有型，但他熱到身水身汗。事後不少網民將照片上載社交網，大讚Jeffrey真人比上鏡靚仔，更指他不停滴汗，但依然全程保持笑容，禮貌地與粉絲傾偈，大讚他沒有明星的架子，相當專業。